

U G O V O R broj
o priključenju proizvođača na niskonaponsku distributivnu mrežu

Varijanta a)

Varijanta b)

o povećanju priključne snage proizvodnog objekta priključenog na distributivnu mrežu

Varijanta a) pravno lice

1.

Naziv pravnog lica (firma)

Općina i adresa

Identifikacioni broj : PDV broj..... Ostali podaci.....

koga zastupa (ime i prezime, funkcija).....

(u daljem tekstu: Proizvođač)

Varijanta b) za fizička lica

1.

Ime i prezime

Općina i adresa

Broj lične karte/pasoša : Ostali podaci.....

Identifikacioni broj (EPID):

(u daljem tekstu: Proizvođač)

2. Javno preduzeće Elektroprivreda Bosne i Hercegovine d.d. - Sarajevo, Vilsonovo šetalište 15, Sarajevo koje zastupa,, generalni direktor (v.d. generalni direktor) i, izvršni direktor za distribuciju (v.d. izvršni direktor za distribuciju) (u daljem tekstu: ODS)

II PREDMET UGOVORA

Član 1.

Varijanta a)

Predmet Ugovora je uređenje međusobnih odnosa ugovornih strana u postupku priključenja objekta(naziv objekta).... na niskonaponsku distributivnu mrežu.

Predmetni objekat je namijenjen za proizvodnju električne energije i nalazi se na lokaciji(grad/općina i adresa)....., a bliži podaci o objektu se nalaze u Elektroenergetskoj saglasnosti, broj:, izdatoj dana, koja je data u prilogu i čini sastavni dio Ugovora.

Varijanta b)

Predmet Ugovora je uređenje međusobnih odnosa ugovornih strana u postupku povećanja priključne snage objekta(naziv objekta).... na distributivnu mrežu.

Predmetni objekat je namijenjen za proizvodnju električne energije i nalazi se na lokaciji(grad/općina i adresa)....., a bliži podaci o objektu se nalaze u Elektroenergetskoj saglasnosti, broj:, izdatoj dana, koja je data u prilogu i čini sastavni dio Ugovora.

Član 2.

Varijanta a)

U skladu sa uslovima iz Elektroenergetske saglasnosti iz člana 1.ovog Ugovora i pravomoćnog Odobrenja za građenje broj:, izdatog dana:, predmetni objekat se priključuje na distributivnu mrežu na naponskom nivou 0,4 kV, a odobrena priključna snaga iznosi kW.

Varijanta b)

U skladu sa uslovima iz Elektroenergetske saglasnosti iz člana 1. ovog Ugovora, za predmetni objekat priključen na distributivnu mrežu na naponskom nivou ..(35/10(20)/0,4)..... kV, odobreno je povećanje priključne snage u iznosu kW, tako da ukupno odobrena priključna snaga iznosi kW.

Varijanta a)

III NAKNADA ZA PRIKLJUČENJE

Član 3.

Naknada za priključenje iznosi:

Iznos bez PDV:	0.000,00	KM
Iznos PDV:	0.000,00	KM
Ukupan iznos:	0.000,00	KM

(slovima:KM)

Predračun naknade za priključenje je dat u prilogu i čini sastavni dio Ugovora.

Iznos naknade za priključenje je određen u skladu sa članom 45. Opštih uslova za isporuku električne energije, Pravilnikom o metodologiji za izračunavanje naknada za priključenje i definisanje rokova i uslova za priključak na distributivnu mrežu, Pravilnikom o mjernom mjestu, Odlukom o utvrđivanju iznosa prosječnih vrijednosti investicija elektroenergetskih objekata distributivne mreže i jediničnih iznosa naknada za priključenje krajnjih kupaca/proizvođača na distributivnu mrežu, Odlukom FERK-a o davanju saglasnosti Javnom preduzeću Elektroprivreda Bosne i Hercegovine d.d. – Sarajevo na jedinične iznose naknada za priključenje na distributivnu mrežu, Cjenovnikom usluga i drugim aktima JP Elektroprivreda BiH d.d.- Sarajevo

Porez na dodatu vrijednost je izračunat u skladu sa Zakonom o porezu na dodatu vrijednost („Službeni glasnik BiH”, broj 09/05, 35/05 i 100/08).

Varijanta b) za mikroproizvođača OiE

III TROŠKOVI IZGRADNJE I OPREMANJA MJERNOG MJESTA

Član 3.

Troškovi izgradnje i opremanja mjernog mjesta iznose:

Iznos bez PDV:	0.000,00	KM
Iznos PDV:	0.000,00	KM
Ukupan iznos:	0.000,00	KM

(slovima:KM)

Predračun troškova izgradnje i opremanja mjernog mjesta je dat u prilogu i čini sastavni dio Ugovora.

Iznos troškova izgradnje i opremanja mjernog mjesta je određen u skladu sa članom 27. Zakona o korištenju obnovljivih izvora energije i efikasne kogeneracije, Pravilnikom za mikro-postrojenja obnovljivih izvora energije, Pravilnikom o metodologiji za izračunavanje naknada za priključenje i definisanje rokova i uslova za priključak na distributivnu mrežu, Cjenovnikom usluga i drugim aktima JP Elektroprivreda BiH d.d.- Sarajevo

Porez na dodatu vrijednost je izračunat u skladu sa Zakonom o porezu na dodatu vrijednost („Službeni glasnik BiH”, broj 09/05, 35/05 i 100/08).

Varijanta c)

III NAKNADA ZA POVEĆANJE PRIKLJUČNE SNAGE

Član 3.

Naknada za povećanje priključne snage iznosi:

Iznos bez PDV:	0.000,00	KM
Iznos PDV:	0.000,00	KM
Ukupan iznos:	0.000,00	KM

(slovima:KM)

Predračun naknade za povećanje priključne snage je dat u prilogu i čini sastavni dio Ugovora.

Iznos naknade za povećanje priključne snage je određen u skladu sa članom 45. Opštih uslova za isporuku električne energije, Pravilnikom o metodologiji za izračunavanje naknada za priključenje i definisanje rokova i uslova za priključak na distributivnu mrežu, Pravilnikom o mjernom mjestu, Odlukom o utvrđivanju iznosa prosječnih vrijednosti investicija elektroenergetskih objekata distributivne mreže i jediničnih iznosa naknada za priključenje krajnjih kupaca/proizvođača na distributivnu mrežu, Odlukom FERK-a o davanju saglasnosti Javnom preduzeću Elektroprivreda Bosne i Hercegovine d.d. – Sarajevo na jedinične iznose naknada za priključenje na distributivnu mrežu, Cjenovnikom usluga i drugim aktima JP Elektroprivreda BiH d.d.- Sarajevo

Porez na dodatu vrijednost je izračunat u skladu sa Zakonom o porezu na dodatu vrijednost („Službeni glasnik BiH”, broj 09/05, 35/05 i 100/08).

Član 4.

U slučaju potrebe rješavanja imovinsko-pravnih odnosa za potrebe priključenja na distributivnu mrežu objekta Proizvođača koji se priključuje na mrežu, ODS je obavezan da riješi imovinsko - pravne odnose (pravo vlasništva i pravo služnosti) i sačini obračun troškova koji nastanu u postupku rješavanja imovinsko - pravnih odnosa (naknade vlasnicima ili posjednicima/ korisnicima, troškovi notarske obrade i troškovi poreza u skladu sa zakonom).

U skladu sa Opštim uslovima za isporuku električne energije i Pravilnikom o metodologiji za izračunavanje naknada za priključenje i definisanje rokova i uslova za priključak na distributivnu mrežu, Proizvođač plaća ukupan iznos troškova nastalih rješavanjem imovinsko-pravnih odnosa.

U roku od 15 dana od dana završetka postupka rješavanja imovinsko - pravnih odnosa, ODS će sačiniti obračun troškova i Proizvođaču dostaviti fakturu.

IV USLOVI I NAČIN PLAĆANJA

Član 5.

Iznos iz člana 3. ovog Ugovora Proizvođač će uplatiti na račun JP Elektroprivreda BiH d.d.-Sarajevo, Podružnica „Elektrodistribucija“,(*Ime podružnice*)....., najkasnije u roku od trideset (30) dana od dana stupanja na snagu ovog Ugovora.

Troškove nastale rješavanjem imovinsko-pravnih odnosa iz člana 4. ovog Ugovora, Proizvođač će uplatiti u punom iznosu na račun JP Elektroprivreda BiH d.d.-Sarajevo, Podružnica „Elektrodistribucija“,(*Ime podružnice*)..... najkasnije u roku od trideset (30) dana od dana izdavanja fakture.

Ako Proizvođač ne plati fakturu iz prethodnog stava ovog člana u roku dospijeca, ODS će obračunati zakonsku zateznu kamatu.

V ROKOVI

Član 6.

Varijanta a) - za priključenje na NN mrežu i mikroproizvođača

Priključak će biti izgrađen u roku ne dužem od 30 dana od dana ispunjenja obaveza iz ovog Ugovora i uplate ukupnog iznosa iz člana 3. ovog Ugovora, a ODS će izvršiti priključenje objekta u roku ne dužem od 10 dana od dana podnošenja potpunog zahtjeva za priključenje od strane Proizvođača.

U rok utvrđen u stavu 1) ovog člana ne računaju se zastoji u aktivnostima na koje ODS nije mogao uticati (odobrenja za trasu/lokaciju i za građenje elektroenergetskih objekata, rješavanje imovinsko-pravnih odnosa, pribavljanje saglasnosti za prokopavanje javnih površina i sl.), o čemu je ODS dužan pravovremeno obavijestiti Proizvođača.

Ugovorne strane su saglasne da se u slučaju nastanka okolnosti navedenih u prethodnom stavu ovog člana ili drugih opravdanih okolnosti koje sprječavaju ODS da izvrši obaveze iz ovog Ugovora u roku iz stava 1) ovog člana (npr. postupak javne nabavke i sl.) izradi aneks na ovaj Ugovor, kojim će se utvrditi novi rokovi ili novi tehnički uslovi priključenja sa novim rokovima ili raskinuti ovaj Ugovor.

Varijanta b) – za povećanje priključne snage

ODS će izvršiti prilagođenje priključka za novu priključnu snagu u roku ne dužem od dana od dana ispunjenja obaveza iz ovog Ugovora i uplate ukupnog iznosa naknade za povećanje priključne snage.

U rok utvrđen u stavu 1) ovog člana ne računaju se zastoji u aktivnostima na koje ODS nije mogao uticati (odobrenja za trasu/lokaciju i za građenje elektroenergetskih objekata, rješavanje imovinsko-pravnih odnosa, pribavljanje saglasnosti za prokopavanje javnih površina i sl.), o čemu je ODS dužan pravovremeno obavijestiti Proizvođača.

Ugovorne strane su saglasne da se u slučaju nastanka okolnosti navedenih u prethodnom stavu ovog člana ili drugih opravdanih okolnosti koje sprječavaju ODS da izvrši obaveze iz ovog Ugovora u roku iz stava 1) ovog člana (npr. postupak javne nabavke i sl.) izradi aneks na ovaj Ugovor, kojim će se utvrditi novi rokovi ili novi tehnički uslovi priključenja sa novim rokovima ili raskinuti ovaj Ugovor.

VI VIŠA SILA

Član 7.

Ni jedna strana nije odgovorna za neispunjenje ugovorenih obaveza ukoliko je izvršenje tih obaveza spriječeno višom silom koja se desila u toku realizacije Ugovora.

Pod višom silom se podrazumijevaju događaji i okolnosti koje se nisu mogle predvidjeti, koji su nastali mimo volje i moći ugovorne strane i čije se posljedice nisu mogle izbjeći ili otkloniti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom i koji ugovornu stranu onemogućavaju u izvršenju ugovornih obaveza.

Pod događajima i okolnostima iz prethodnog stava smatraće se naročito: rat, poplava, požar, generalni štrajk i slični događaji.

Nemogućnost ugovorne strane da ispuni bilo koju od svojih ugovornih obaveza neće se smatrati raskidom ugovora ili neispunjavanjem ugovorne obaveze, ukoliko se takva nemogućnost pojavi usljed dejstva više sile, s tim da je ugovorna strana koja je pogođena takvim događajem:

- 1) preduzela sve potrebne mjere predostrožnosti i potrebnu pažnju, kako bi izvršila svoje obaveze u rokovima i pod uslovima iz ovog Ugovora i
- 2) obavijestila drugu ugovornu stranu na način koji je u datoj situaciji jedino moguć (telegram, telefax i sl.), odmah po nastanku događaja i okolnosti koji se smatraju višom silom, a najkasnije u roku od 3 (tri) dana od pojave takvog događaja i preduzetim mjerama na otklanjanju štetnih posljedica dejstva više sile.

VII OSTALE ODREDBE

Član 8.

ODS je obavezan izvesti radove na priključenju u skladu sa uslovima iz izdate Elektroenergetske saglasnosti, tehničkim propisima i standardima, kao i tehničkim preporukama u elektrodistributivnoj djelatnosti JP Elektroprivreda BiH d.d.-Sarajevo.

Član 9.

U skladu sa Opštim uslovima za isporuku električne energije, novoizgrađeni i/ili izmješteni elektrodistributivni objekti potrebni za priključenje na distributivnu mrežu objekta Proizvođača, uključivo i brojilo električne energije, će biti knjiženi u stalna sredstva ODS-a.

ODS preuzima sve obaveze eksploatacije, upravljanja i održavanja stalnih sredstava iz stava 1) ovog člana u skladu sa tehničkim i drugim propisima iz ove oblasti.

Član 10.

Varijanta a) - za priključenje na NN mrežu i mikroproizvođača

Ugovorne strane su saglasne da se nakon realizacije ugovorenih obaveza sačini i obostrano potpiše Zapisnik o priključenju, čime se potvrđuje da je priključenje izvedeno u svemu prema ovom Ugovoru i Opštim uslovima za isporuku električne energije.

Ukoliko se u toku izvođenja radova, izvrše manje izmjene tehničkih uslova priključenja u odnosu na ugovorene radove, sve izvršene izmjene se unose u Zapisnik o priključenju.

Varijanta b) - za povećanje priključne snage

Ugovorne strane su saglasne da se nakon realizacije ugovorenih obaveza sačini i obostrano potpiše Zapisnik o povećanju priključne snage, čime se potvrđuje da je priključenje izvedeno u svemu prema ovom Ugovoru i Opštim uslovima za isporuku električne energije.

Ukoliko se u toku izvođenja radova, izvrše manje izmjene tehničkih uslova priključenja u odnosu na ugovorene radove, sve izvršene izmjene se unose u Zapisnik o povećanju priključne snage.

Član 11.

Ugovorne strane su saglasne da međusobne obaveze koje nisu regulisane ovim Ugovorom rješavaju u skladu sa Zakonom o električnoj energiji u Federaciji BiH, Opštim uslovima za isporuku električne energije, te Pravilnikom o metodologiji za izračunavanje naknada za priključenje i definisanje rokova i uslova za priključak na distributivnu mrežu, Pravilnikom o mjernom mjestu i drugim opštim aktima JP Elektroprivreda BiH d.d. - Sarajevo.

Član 12.

Ugovorne strane su saglasne da će u slučaju prouzrokovanja štete, u toku realizacije ovog Ugovora, drugoj ugovornoj strani istu nadoknaditi.

Član 13.

Ovaj Ugovor može prestati:

- a) raskidom na zahtjev jedne od ugovornih strana, na način propisan važećim zakonima i Opštim uslovima za isporuku električnu energiju,
- b) u slučaju smrti Proizvođača, odnosno prestanka pravnog lica u svojstvu Proizvođača ili
- c) nastupa drugih okolnosti za prestanak ugovora u skladu sa važećim zakonima i Opštim uslovima za isporuku električne energije.

Ovaj Ugovor može biti raskinut iz sljedećih razloga:

- a) na zahtjev jedne od ugovornih strana u slučaju da druga ugovorna strana ne ispunjava obaveze iz Ugovora u utvrđenim rokovima i na utvrđeni način,
- b) ako poslije zaključenja ugovora nastupe okolnosti koje otežavaju ispunjenje obaveza jedne od ugovornih strana ili ako se zbog njih ne može ostvariti predmet Ugovora ili
- c) drugih razloga u skladu sa važećim zakonima i Opštim uslovima za isporuku električne energije.

Ugovorna strana koja pokreće postupak za raskid ugovora iz razloga navedenog u stavu 2. tačka a) ovog člana Ugovora, obavezna je prije podnošenja zahtjeva za raskid ugovora dostaviti pisanu opomenu drugoj ugovornoj strani o neizvršavanju obaveza sa dodatnim rokom za ispunjenje tih obaveza.

Dodatni rok iz prethodnog stava ovog člana Ugovora ne može biti duži od 30 dana.

U slučaju da ugovorna strana koja ne ispunjava obaveze iz Ugovora u utvrđenim rokovima i na utvrđeni način, ni u ostavljenom roku ne ispuni obaveze iz Ugovora, ovaj Ugovor se smatra raskinutim.

Član 14.

Raskidom ovog Ugovora ugovorne strane su oslobođene svojih obaveza, izuzev obaveze na naknadu eventualne štete.

U slučaju raskida ovog Ugovora, ODS je obavezan izvršiti povrat uplaćenog iznosa po ovom Ugovoru, u roku od 30 dana od dana raskida Ugovora, bez obračuna kamata.

ODS će zadržati dio uplaćenog iznosa na ime troškova za izvedene radove po ovom Ugovoru do dana raskida Ugovora.

VIII ZAVRŠNE ODREDBE

Član 15.

U slučaju potrebe za povećanjem priključne snage objekta iznad odobrene, Proizvođač ima obavezu da zatraži izmjenu Elektroenergetske saglasnosti i zaključi ugovor o povećanju priključne snage.

Član 16.

Nakon izvršenih ugovorenih obaveza po ovom Ugovoru, Proizvođač je obavezan potpisati sa ODS-om ugovor o korištenju distributivne mreže, ukoliko se korištenje distributivne mreže ne reguliše ugovorom o snabdijevanju

električnom energijom, a sa snabdjevačem ugovor o snabdijevanju električnom energijom, u skladu s Elektroenergetskom saglasnošću iz člana 1. stav 2) ovog Ugovora.

Zaključenje ugovora iz prethodnog stava ovog člana je uslov za priključenje Proizvođač na distributivnu mrežu i početak isporuke električne energije, u skladu s Opštim uslovima za isporuku električne energije.

Član 17.

Sve eventualne sporove ugovorne strane će rješavati prvenstveno sporazumno u duhu dobrih poslovnih odnosa i uzajamnog povjerenja.

U slučaju spora koji se ne može riješiti sporazumno, ugovorne strane su saglasne da je za rješavanje istih stvarno nadležan sud u (*sjedište Podružnice*).

Član 18.

Sve izmjene ovog Ugovora mogu se vršiti isključivo i samo uz pisanu saglasnost ugovornih strana.

Član 19.

Ovaj Ugovor stupa na snagu danom potpisivanja od strane ovlaštenih lica ugovornih strana.

Član 20.

Ovaj Ugovor važi do izvršenog priključenja objekta Proizvođača na distributivnu mrežu.

Član 21.

Ugovor je sačinjen u dva (2) istovjetna primjerka od kojih svakoj ugovornoj strani pripada po jedan (1) primjerak.

ODS:

(*Puno ime i prezime*)
Generalni direktor
(*v.d. Generalni direktor*)

(*Puno ime i prezime*)
Izvršni direktor za distribuciju
(*v.d. Izvršni direktor za distribuciju*)

Proizvođač:

za fizička lica
(*Puno ime i prezime*)
Za pravna lica
(*Puno ime i prezime ovlaštene osobe*)
(*funkcija*)

Mjesto i datum:

Broj:

Mjesto i datum:

Broj: